



Odbor za urbanizam i upotrebu lokalnog zemljišta

Broj: 04-GV-04-1547/22
Sarajevo, 12.10.2022. godine

ZAPISNIK O RADU
18. SJEDNICE ODBORA ZA URBANIZAM I
UPOTREBU LOKALNOG ZEMLJIŠTA
održane 12.10.2022. godine

Prisutni:

1. Aida Koluder - Agić, predsjedavajuća Odbora
2. Ismir Smajić, zamjenik predsjedavajuće
3. Sandra Toskić, članica
4. Salih Išerić, član
5. Fikret Jakupović, član
6. Elvedin Korora, član

Odsutna: Danijela Šahat, članica (najavljeno odsustvo)

Sjednici iz Stručne službe Gradskog vijeća Grada Sarajeva prisustvuje:

- Mirjana Đanović Stanić, rukovodilac Stručne službe za poslove Gradskog vijeća

Predsjedavajuća Odbora je otvorila sjednicu u 15.00 sati, pozdravila prisutne i utvrdila kvorum za punovažan rad i odlučivanje.

Sjednica je započela razmatranjem i jednoglasnim usvajanjem Zapisnika o radu 17. sjednice Odbora za urbanizam i upotrebu i upotrebu lokalnog zemljišta, održane 13.09.2022. godine.

Na prijedlog Predsjedavajuće, jednoglasno je usvojen sljedeći dnevni red:

1. Nacrt Programa rada Gradskog vijeća Grada Sarajeva za 2023. godinu
2. Javna rasprava o Nacrtu Etičkog kodeksa izabраниh i imenovanih funkcionera Grada Sarajeva
3. Tekuća pitanja

TAČKA 1.

Nacrt Programa rada Gradskog vijeća Grada Sarajeva za 2023. godinu

Predsjedavajuća Odbora je sugerisala ispravku tehničke greške u temi broj 1. u oblasti Urbano planiranje i upotreba lokalnog zemljišta, gdje je navedeno da se tema prenosi u 2022. godinu, a treba 2023. godinu.

Također, je sugerisala da se u temi broj 20. Elaborat o lokacijama za postavljanje bilborda, kioska i ostalog mobilijara u pojasu korite rijeke Miljacke, precizira rok, odnosno, da se u razlozima za predlaganje navede i Odluka o korištenju, održavanju i čuvanju uređenih korita i obala vodotoka na području Grada Sarajeva, a kako bi se mogla pratiti realizacija ove teme.

Dodatna pojašnjenja na pitanja dala je Mirjana Đanović Stanić, rukovodilac Stručne službe za poslove Gradskog vijeća.



Poslije rasprave, te sažetka Predsjedavajuće, Odbor za urbanizam i upotrebu lokalnog zemljišta jednoglasno je usvojio sljedeći **zaključak**:

Odbor za urbanizam i upotrebu lokalnog zemljišta sugeriše Gradskom vijeću Grada Sarajeva da razmatra Nacrt Programa rada Gradskog vijeća Grada Sarajeva za 2023. godinu kako je utvrđen i uputi ga u javnu raspravu, uz uvažavanje sljedećih prijedloga.

1. U Oblasti III - Urbano planiranje i upotreba lokalnog zemljišta, potrebno je u temi broj 1. Informacija o procesu donošenja Urbanističkog plana urbanog područja Sarajevo (Stari Grad, Centar, Novo Sarajevo, Novi Grad, Ilidža i Vogošća) do 2036. godine i obaveznoj primjeni mjera zaštite ventilacionih koridora, ispraviti tehničku grešku u dijelu napomene, tako da umjesto: „Tema u 2022. godini uvrštena na prijedlog Odbora za urbanizam i upotrebu lokalnog zemljišta, prenosi se u 2022. godinu“ glasi: „Tema u 2022. godini uvrštena na prijedlog Odbora za urbanizam i upotrebu lokalnog zemljišta, prenosi se u 2023. godinu“.
2. U temi broj 20. Elaborat o lokacijama za postavljanje bilborda, koska i ostalog mobilijara u pojasu korita rijeke Miljacke, navesti u razlozima za predlaganje, kao pravni osnov, Zakon o vodi i Odluka o korištenju, održavanju i čuvanju uređenih korita i obala vodotoka na području Grada Sarajeva, jer je realizacija ove teme vezana sa rokom donošenja novog gradskog propisa.

TAČKA 2.

Javna rasprava o Nacrtu Etičkog kodeksa izabranih i imenovanih funkcionera Grada Sarajeva

Poslije rasprave, na prijedlog Predsjedavajuće, Odbor za urbanizam i upotrebu lokalnog zemljišta jednoglasno je usvojio sljedeći **zaključak**:

Odbor za urbanizam i upotrebu lokalnog zemljišta je razmotrio *Nacrt Etičkog kodeksa izabranih i imenovanih funkcionera Grada Sarajeva*, te konstatuje da nema prijedloga, primjedbi niti sugestija na isti.

TAČKA 3.

Tekuća pitanja

I. Poslije i rasprave, Odbor za urbanizam i upotrebu lokalnog zemljišta jednoglasno je usvojio sljedeći **zaključak**:

Odbor za urbanizam i upotrebu lokalnog zemljišta upućuje prijedlog Predsjedavajućem Gradskog vijeća da organizira sastanak, u vremenu kada njemu odgovara i pozove članove Odbora za urbanizam i upotrebu lokalnog zemljišta, a vezano za problematiku donošenja regulacionih planova ili da prisustvuje sljedećoj sjednici Odbora.

II. Poslije i rasprave, Odbor za urbanizam i upotrebu lokalnog zemljišta jednoglasno je usvojio sljedeći **zaključak**:

Odbor za urbanizam i upotrebu lokalnog zemljišta sugeriše Gradonačelnici da zatraži od Kantonalne inspekcije nalaz inspektora za zaštitu okoliša po prijavi o postavljanju, odnosno posljedicama postavljanja, brane u gornjem toku rijeke Miljacke a izvan područja Kantona Sarajevo, što utiče na količinu vode, zagađenost vode a time i na bio diverzitet vode u Miljacki na području Grada Sarajeva, i da o tome informira Gradsko vijeće i predloži mjere za poboljšanje stanja.

Elvedin Korora, član Odbora je u 15.38 sati napustio sjednicu zbog ranije preuzetih obaveza.

PREDSJEDAVALA ODBORA

Aida Koluder-Agić, s.r.

Predsjedavajuća Odbora je u 15.54 sati zaključila rad 18. sjednice Odbora za urbanizam i upotrebu lokalnog zemljišta Gradskog vijeća Grada Sarajeva.